

## WILLIAMS, PETER (1723 - 1796), clergwr Methodistiaidd, awdur, ac esboniwr Beiblaidd

**Enw:** Peter Williams

**Dyddiad geni:** 1723

**Dyddiad marw:** 1796

**Priod:** Mary Williams (née Jenkins)

**Plentyn:** John Williams

**Plentyn:** Peter Bailey Williams

**Plentyn:** Eliezer Williams

**Rhiant:** Elizabeth Williams (née Bayly)

**Rhiant:** Owen Williams

**Rhyw:** Gwryw

**Galwedigaeth:** clergwr Methodistiaidd, awdur, ac esboniwr Beiblaidd

**Maes gweithgaredd:** Crefydd; Llenyddiaeth ac Ysgrifennu; Barddoniaeth

**Awdur:** Gomer Morgan Roberts

Ganwyd 15 Ionawr 1723, yn West Marsh, Llansadwrn, Sir Gaerfyrddin, mab Owen ac Elizabeth Williams. Addysgwyd ef yn ysgol ramadeg Caerfyrddin, ac yno, yn 1743, cafodd dröedigaeth dan bregeth George Whitefield. Bu'n athro am dymor byr yng Nghynwyl Elfed. Ordeiniwyd ef yn ddiakon yn 1745, a bu'n gurad yn Eglwys Gymyn, Abertawe, Llangrannog, a Llandysilio Gogo. Bu mewn helbul yn ei blwyfi oherwydd ei Fethodistiaeth, a gwrthododd yr esgob ei ordeinio'n offeiriad. Ymunodd â'r Methodistiaid yn 1747, a dechreuodd deithio'r wlad i bregethu. Priododd, 1748, â Mary Jenkins o Lanlluan, a chyn hir ymsefydlodd yn y Gelli Lednais, Llandyfaelog. Bu farw yno 8 Awst 1796. Meibion iddo oedd [Eliezer](#) a [Peter Bailey Williams](#).

Yr oedd Peter Williams yn un o brif arweinwyr y mudiad Methodistiaidd yng Nghymru. Yr oedd yn llenor hefyd a bardd. Ceir ei emynau yn [Rhai Hymnâu ac Odlau Ysprydol](#), 1759, a [Hymns on Various Subjects](#), 1771; cyhoeddodd farwnadau i [William Davies](#), Castell-Nedd, 1787, a [Daniel Rowland](#), 1790. Ei brif lyfrau yw [Blodau i Blant](#), 1758; [Galwad gan wyr eglwysig](#), 1781; [Cydymaith mewn Cystudd](#), 1782; [Yr Hyfforddwr Cymreigaidd](#), 1784; [Y Briodas Ysbrydol](#), 1784; [Ymddygiad Cristianogol](#), 1784. Cyfaddasodd a throsodd nifer o lyfrynnau o'r Saesneg hefyd. Yr oedd a wnaï a chyhoeddi *Trysorfa Gwybodaeth, neu, Eurgrawn Cymraeg*, 1770, y cyhoeddiad cyfnodol cyntaf Cymraeg. Mater o ddadl yw prun ai ef ai [Josiah Rees](#) oedd ei olygydd. Prif waith ei fywyd oedd cyhoeddi argraffiadau o'r *Beibl* gyda sylwadau ar bob pennod. Daeth yr argraffiad cyntaf i ben yn 1770, a bu galw wedyn am argraffiadau eraill. Bu '*Beibl*' Peter Williams ' mewn bri mawr yng Nghymru am lawer cenhedlaeth, a chyhoeddwyd miloedd o gopiau ohono o bryd i'w gilydd. Cyhoeddodd y *Mynegair Ysgrythurol*, 1773, a bu hwnnw'n gymorth nid bychan i astudio'r *Beibl* gan ddarllenwyr y werin Gymreig. Cafodd ei ddrwgdybio o goleddu Sabeliaeth oherwydd ei esboniad ar loan i, 1, ond ar ôl cyhoeddi argraffiad o *Beibl* bychan John Canne yn 1790 y torrodd y storm arno. Cyhuddwyd ef o gyhoeddi heresi Sabeliaeth, a diarddelwyd ef yn sasiwn Llanddilo

Fawr yn 1791. Treuliodd weddill ei oes yn dadlau'n chwerw â'r Methodistiaid, a dyna'r pryd y cyhoeddodd ei lyfrynnau diwethaf, sef *Llythyr at Hen Gydymaith*, 1791; *Tafol i Bwyso Sosiniaeth*, 1791; *Dirgelwch Duwioldeb*, 1792; a *Gwreiddyn y Mater*, 1794.

## Awdur

Y Parchedig Gomer Morgan Roberts, (1904 - 1993)

## Ffynonellau

Owen Williams, *Cofiant, neu Hanes bywyd a marwolaeth y Parchedig Peter Williams, o Gaerfyrddin ... Wedi ei gasglu a'i gyfieithu* (Caernarfon 1817)

St. George A. Williams, *The English works of the late Rev. Eliezer Williams, M.A., Vicar of Lampeter and Caio cum Llansawel ... with a memoir of his life* (Llundain 1840)

*Cylchgrawn Cymdeithas Hanes y Methodistiaid Calфинаidd*, vi, 35; xxxiv, 49

enwir y ffynonellau llawysgrif yn Gomer M. Roberts, *Bywyd a Gwaith Peter Williams* (Caerdydd 1943)

## Darllen Pellach

J. Morgan Jones a W. Morgan, *Y Tadau Methodistaidd (1895-1897)*, i, 433-458

Erthygl Wicipedia: [Peter Williams](#)

## Gweithiau

Daniel Rowlands, Peter Williams,, *Pumtheng araith ar amryw destynau* (Caerfyrddin 1762)

## Dolenni Ychwanegol

VIAF: [17100788](#)

Wikidata: [Q18917233](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

